

# UMP siap siaga

BERITA HARIAN (VARSIITI) M/S 3 19/3/2015

Oleh Noor Azlina Zainudin  
azlina.z@bh.com.my

Kuantan

Pencapaian cemerlang Universiti Malaysia Pahang (UMP) sepanjang tahun lalu membuktikan universiti berkenaan berada pada kedudukan kukuh untuk terus menerap gelembung transformasi pendidikan tinggi negara termasuk sudah siap siaga merealisasi agenda autonomi.

Naib Canselornya, Prof Datuk Dr Daim Nasir Ibrahim, berkata selain menjadikan UMP sebagai universiti teknologi pilihan utama, Pelan Strategik UMP 2011-2015 turut menggariskan pelbagai strategi serta pelan pembangunan dalam usaha memperoleh status autonomi.

Katanya, rangkaian dasar dan amalan baik yang digubal secara berterusan mampu mentransformasikan universiti ke tahap terbaik secara tidak langsung memudahkan proses audit tahap tadbir urus dilakukan secara sistematis, sekali gus menilai kesedian terhadap pelaksanaan autonomi.

#### Tadbir urus

"Pemberian status autonomi seiring dengan komitmen kerajaan untuk menjadikan universiti awam (UA) lebih kompetitif selain mampu membuat perancangan sendiri bagi mencapai taraf antarabangsa."

"Empat bidang tadbir urus



Sebahagian daripada warga UMP bergambar bersama-sama pihak pengurusan selepas Majlis Amanat Naib Canselor UMP 2015.

yang diberi tumpuan ialah institusi, kewangan dan penjanaan lekraian, sumber manusia dan akademik.

"Kita juga akan diberi status itu jika mampu menunjukkan bahawa UMP sememangnya mempunyai amalan baik dan kelekutan dalam keempat-empat bidang tersebut. Justeru, buktikan keupayaan kita dengan integriti dan berdaya maju," katanya ketika menyampaikan Amanat Tahunan Naib Canselor 2015 di sini, baru-baru ini.

Lebih 5,000 warga UMP hadir pada majlis yang turut dihadiri Pemangku Timbalan Naib Canselor (Akademik dan Antarabangsa), Prof Dr Wan Azhar Wan Yusoff; Timbalan Naib Canselor (Hal Ehwal Pelajar dan Alumni), Prof Datuk Dr

Yuserie Zainuddin dan Timbalan Naib Canselor (Penyelidikan dan Inovasi), Prof Dr Mashitah Mohd Yusoff.

#### Autonomi penuh

Prof Daim Nasir berkata, UMP perlu mencapai skala markah melebihi 80 peratus bagi melayakkkan autonomi penuh diterima daripada Kementerian Pendidikan, sekali gus memudahkan ia menjana kegemilangan dalam kerangka Pelan Strategik UMP 2016-2020 nanti.

"Bagi memastikan UMP tampil unik dan berbeza dalam belasnya, setiap warga kampus perlu memainkan peranan dalam menyajikan semangat 'Berani Berbeza' yang berkait rapat dengan pembentukan dan pemerkasaan jenama.



Prof Daim Nasir menyampaikan Amanat di hadapan lebih 5,000 warga UMP

minda komersialisasi.

"Inisiatif seterusnya ialah peningkatan kesejahteraan, sikap dan gaya hidup cemerlang, pengurusan prestasi dan memupuk budaya kepimpinan pada setiap peringkat," katanya.